

Библиотекин кӧдлмшиг ясрулхмн

Мана орн-нутг коммунистическ тосхлт делгү келгүнүр орсн цагла, библиотекин күүцэх төрмүднй улм даалгъврта, улм ик чинртә болад йовна. КПСС-н XXI хургин тууджлгч шиидврмүд, КПСС-н ЦК-н боли Советск правительствин тогтаврмудиг, мана государствин газадин болн дотадин голитикиг олд күргдж цәәлгъдж, культурн-техническ медрлинй өскхд партийн, советск болн профсоюзн органст шунмгъа нӧкд болх керг библиотекст даалгъгдджана.

Библиотекин өмн зогсджах күүцэх төрмүдин эн ик чинриг тоолдж, КПСС-н ЦК, эн джилин сентябрь сард, «Орн-нутгт библиотекин кергин бәәдлин болн энүг ясрулх аргъин туск» токтавр гаргъла. Тер токтавртан партин ЦК, мана орн-нутгт Советск йосна джилмүдт библиотекин токемджән угагъар олдад, бәәх дегтрмүдин кӧрнъгнй кесг холвдж өсв. Олн әмтнд медрл-сургъмдж өглгъяр библиотекс ик күүндтә кӧдлмш күүцәнә. Терүнләри хамдан, ЦК советск библиотекс бәәх аргъан ода чигн татгар олзлджахиг темдглад, дутудундинй заагъа, цааранднй делгрүлдж кех ил төрмүд темдгль.

Партин ЦК-н токтаврт келгдсн тоот бас мана республикд бәәнә.

Советин йосна джилмүдт мана республикд, урднй цуг делгү гилтә эрдм-сургъуль уга бәәсн газрт — нег үлү ончта элвгәр өсв. Ода Хальмг республикд балгъсдин болн райодин 113 библиотекс бәәнә. Теднд 532 минъргн дегтр бәәнә. Библиотекин умшачириннй тонь джил ирвас зогсгго өсәд йовна. Партийн, советск, олна организацс өмнән бәәх төрән хагълдж, шин диилврмүд бәрхд күргдг дӧнъгнй өсснй алдг уга лавта.

Болв республикин библиотексин кӧлмшт бас зӧвәр ид тату-тартг бәәнә. Эн тоотиг КПСС-н танъгъчин комитет одахн эврәннй бюро деерән күүнддж илдкв. Библиотексин кӧдлмшин кемджәнй болн унъг-утхнй коммунистическ тосхлтин төрмүдәс хоцрдг йовдл гарна.

Библиотексин кесгнй, нег үлү Черноземельск, Приозерн, Юстинск райодт дегтрмүд пропагандировать кедж тархалгън муугъар кегднә, умшсн дегтрмүдин тускар күүндвр, умшачирин конференц хая кенә. Дегтрмүд умшачирт зӧӧдж күрглгън амрсар кегдхш. Тер учрар чигн, зәрм селәдин улс, нег үлү малин хошмудар кӧдлджәх улс теткгдхш.

Черноземельск, Каспийск, Юстинск, Приозерн райодин, Элст балгъсна зәрм библиотексин бәәх гермүднй ирлцнъгъү биш. Улгүрнй, Каспийск

района Михайловск селәнә библиотекс 10—12 квадратн метр өрәд бәәнә. Юстинск района Буруни поселкд бәәсн библиотекин герт әмт орулчксн бәәнә. Элст балгъсна библиотекд дегтр хадгълдг бәәри чигн, умшлгъна зал чигн уга.

Юстинск боли Целинн райодин библиотекс болхла, нам түүнәс дор бәәдлд бәәнә. Иим бәәдлд библиотексин кергч кӧдлмшт саалтг болджахнй лавта мӧн.

Библиотекст кӧдлдг улс йилгъдж авч, теднд сургъмдж өгх керг муугъар кегдджәнә. Эн төр нег үлү Элст балгъснд, Приютненск боли Приозерн райодт му. Библиотексин кӧдлчирт, нег үлү селән газрар кӧдлджәх улст онг килмдж сәәнәр өггдхш, теднә бәәх гермүднй му, тер учрар чигн, библиотексин кӧдлчир орад-гарад бәәдгнй элвг.

Цуг эн тоот йовдл гардг учрнй, республикин эрдм-герлин боли эрдм-сургъудин министерствс, облпрофсовет, кесг партийн, советск, комсомольск организацс библиотекин кӧдлмшт ирлцнъгъү онг эс өгснә уршг болджана. Библиотексин кӧдлмшин учр-утхинй сәәнәр йилгъдж медрж, теднд кӧдлх улсиг чикәр, килмдж-тәгъяр йилгъдж авч, сургъмдж, килмджән күүцс өс өгдг йовдлар энүг цәәлгъдж болхмн.

Партин танъгъчин комитетин бюрон шиидврәр, эн джилин ноябрин 25-с авн декабрин 25 күртл советск дегтрмүдин сар гидж кегдджәнә. Библиотексин кӧдлмшиг икәр шунмгъадулдж дегтрмүд тархалгъинг улм ясрулхин туск төрт эн сара кӧдлмш ик өӧдлт өгх зӧвтә.

Энүг күүцхин эркд магазин, киосксин, дегтр гүүлгдг палатксин тогъиннй өскәд дегтр тархалгънд библиотексин актив өргәр орлцулад, библиотекст, школмудт, бригадсар, фермсәр, күч-кӧлсчир бәәх ормсар агитатормуд боли селәнә интеллигенц дегтрмүд умшдж өглгъинг өргджүләд, умшачирин конференц тасрхан уга кеджәх кергтә.

Библиотексиг ирлцнъгъү сән бәәрәр, алык нег кергтә өлг-әдәр теткдж, талдан кергт олзлгдджах гермүдинй сулдхдж өгх кергтә. Терүнләри хамднй, библиотекд кӧдлх улс йилгъдж авч, сән сургъмдж өглгънд эрдм-герлин министрств, облпрофсовет, райодин боли балгъсдин партийн, комсомольск организацс, боли күүцәгч комитетс икәр, чикәр онгнй өгч, мана библиотекс, советин улст сургъмдж өгч, медрлинй өддлүлдж, советск Тӧрскнә өмн бәәх алдр ик төрмүд күүцәлгънд эврәннй даалгъврән сәәнәр күүцәхднй батта ул делдх зӧвтә.